



Republika e Kosovës
Republika Kosova – Republic of Kosovo
ORGANI SHQYRTUES I PROKURIMIT
TELO ZA RAZMATRANJE NABAVKE
PROCUREMENT REVIEW BODY



Organi Shqyrtues i Prokurimit (OSHP) – Rruga Migjeni (ish Banka e Ljublanës), Kati V-të, Prishtinë, Kosovë
Tel: 383 38 312 309 email: oshp@rks-gov.net

OSHP: 2024/0348
Data e Vendimit: 23.04.2024

Në bazë të nenit 105 pika 1 dhe 2, të Ligjit për Prokurim Publik të Kosovës nr. 04/L-042, i plotësuar dhe ndryshuar me Ligjin 04/L-237, i plotësuar dhe ndryshuar me Ligjin 05/L-068, i plotësuar dhe ndryshuar me Ligjin 05/L-092, pas shqyrtimit të ankesës së Operatorit Ekonomik OE “VECTOR CLEAN” SH.P.K.kundër njoftimit të kontratës ose me dokumentet e tenderit lidhur me aktivitetin e prokurimit “Furnizim me material medicinal nga LE për nevojat e SHSKUK-së” me numër të prokurimit 00220-24-1597-1-1-1, inicuar nga autoriteti kontraktues (AK) – SHSKUK – “SHËRBIMI SPITALOR KLINIK UNIVERZITARE I KOSOVËS”., Kryetarja e Organit Shqyrtues të Prokurimit Vjosa Gradinaj me datën: 23.04.2024, mori këtë:

Vendim

I. Hedhet si e palejuar, ankesa e “VECTOR CLEAN” SH.P.K me nr. të protokollit 2024/0348 e datës 23/04/2024, ankesë kjo e parashtuar për aktivitetin e prokurimit “Furnizim me material medicinal nga LE për nevojat e SHSKUK-së”, me numër të prokurimit 00220-24-1597-1-1-1, inicuar nga autoriteti kontraktues (AK) – SHSKUK – “SHËRBIMI SPITALOR KLINIK UNIVERZITARE I KOSOVËS”

II. I lejohet, autoritetit kontraktues – SHSKUK – “SHËRBIMI SPITALOR KLINIK UNIVERZITARE I KOSOVËS” që të vazhdojë më tutje me aktivitetin e prokurimit “Furnizim me material medicinal nga LE për nevojat e SHSKUK-së” me numër të prokurimit 00220-24-1597-1-1-1, përkitazi me këtë ankesë, nëse nuk ka ndonjë ankesë tjetër për këtë aktivitet të prokurimit.

Arsyetim

-Faktet dhe rrethanat procedurale-

Në sistemin elektronik ankesa është paraqitur me datë 23.04.2024, lidhur me aktivitetin e prokurimit me titull: “Furnizim me material medicinal nga LE për nevojat e SHSKUK-së” me numër të prokurimit 00220-24-1597-1-1-1, inicuar SHSKUK – “SHËRBIMI SPITALOR KLINIK UNIVERZITARE I KOSOVËS”, në cilësinë e Autoriteti Kontraktues.

Me 28.02.2024 SHSKUK – “SHËRBIMI SPITALOR KLINIK UNIVERZITARE I KOSOVËS” në cilësinë e Autoritetit Kontraktues ka publikuar B05-Njoftimin për Kontratë, ku sipas këtij njoftimi Afati i fundit për pranim të tenderëve ka qenë data: 15.03.2024

Me 19.04.2024 SHSKUK – “SHËRBIMI SPITALOR KLINIK UNIVERZITARE I KOSOVËS” në cilësinë e Autoritetit Kontraktues ka publikuar B54 Formulari standard për korrigjimin e gabimeve në njoftimet e publikuara, ku sipas këtij njoftimi Afati i fundit për pranim të tenderëve ka qenë data: 23.04.2024

OE “VECTOR CLEAN” SH.P.K me 23.04.2024 OE ka bërë kërkesë për rishqyrtim pranë AK-së. Ndërsa me po të njëjtën datë 23.04.2024 AK e ka refuzuar kërkesën e Operatorit Ekonomik si e pa lejuar.

- Vlerësimi dhe administrimi i provave – Nga provat e prezantuara vërtetohet se për aktivitetin e prokurimit “Furnizim me material medicinal nga LE për nevojat e SHSKUK-së” me numër të prokurimit 00220-24-1597-1-1-1, iniciuar nga SHSKUK – “SHËRBIMI SPITALOR KLINIK UNIVERZITARE I KOSOVËS”, njoftimi për kontratë është publikuar në sistemin e-prokurimi me datë 28.02.2024, Afati i fundit për pranim të tenderëve ka qenë data: 23.04.2024. Ndërsa me datë 23.04.2024 OE “VECTOR CLEAN” SH.P.K, kishte bërë kërkesë për rishqyrtim pranë AK-së. Autoriteti Kontraktues me datën 23.04.2024 e ka refuzuar kërkesën e Operatorit Ekonomik si e pa lejuar.

Ankuesi ka qenë i obliguar që në pajtim me paragrafin 3.1 të nenit 108/A të LPP-së, brenda afateve ligjore të parashtrorë kërkesë për rishqyrtim në AK dhe vetëm pas udhëheqjes së procedurave paraprake në AK, Operatori ekonomik në pajtim me nenin 109 të LPP-së do të mund të drejtohet me ankesë OSHP-së. Neni 108/A paragrafi 3.1 i LPP-së përcakton se operatori ekonomik ankues kërkesën për shqyrtim duhet të dorëzojë tek autoriteti përkatës kontraktues: “..në qoftë se shkelja e supozuar ka të bëjë me njoftimin e kontratës ose me dokumentet e tenderit brenda pesë (5) ditëve para afatit të fundit për dorëzim të ofertave. Po ashtu, edhe neni 60.1 pika a) në Rregulloren 001/2022 për Prokurim Publik përcakton se: Kurdo që kërkesa për rishqyrtim ka të bëjë me njoftimin e kontratës ose me dokumentet e tenderit se paku pesë (5) ditë para afatit të fundit për dorëzim të ofertave. Në kalkulim të afateve kohore dita e dorëzimit të ofertave është dita (0). Ky afat nuk aplikohet në rastet kur AK bën zgjatje të afatit të fundit për dorëzimin e ofertave pas vendimit për refuzim të kërkesës për rishqyrtim sipas nenit 63.1.1 të kësaj rregulloreje...”. Andaj nga provat e prezantuara dhe rrjedha e këtij aktiviteti të prokurimit konstatohet se ankesa e parashtruar në Organin Shqyrtues të Prokurimit me datë 23/04/2024 nga OE “VECTOR CLEAN” SH.P.K për aktivitetin e prokurimit me titull: “Furnizim me material medicinal nga LE për nevojat e SHSKUK-së” me numër të prokurimit 00220-24-1597-1-1-1, iniciuar nga SHSKUK – “SHËRBIMI SPITALOR KLINIK UNIVERZITARE I KOSOVËS”, hedhet e palejuar sepse e njëjta nuk është parashtruar në pajtim me nenin 108/A të LPP-së si dhe nenin 60 par.1 të Rregullores për Prokurim Publik. Po ashtu referuar interpretimit të KRPP-së të datës 07.11.2023, 630/2023, i cili interpretim sqaron afatet ligjore për ankimim, konstatohet se kjo ankesë hedhet si e pa lejuar sepse ankuesi nuk ka parashtruar kërkesën për rishqyrtim brenda afateve ligjore kundër njoftimit të Autoritetit Kontraktues.

Megjithatë Organi Shqyrtues i Prokurimit sqaron se vetëm pas udhëheqjes së një procedure paraprake të rregullt dhe brenda afateve ligjore pranë AK, ankuesi mund të drejtohet me ankesë OSHP-së. Si përfundim kjo ankesë është në kundërshtim me nenin 108/A, 109 dhe të Ligjit për Prokurim Publik, dhe nenit 60 të Rregullores 001/2022 për Prokurim Publik, dhe si e tillë hedhet

si e pa lejuar dhe nuk hynë në shqyrtim nga OSHP. Megjithatë, OSHP gjithnjë niset nga rregullat, zgjidhjet dhe parimet e LPP sipas të cilit secili AK ushtron pavarësinë e tij/sajë në kuptim të nenit 8 dhe 9 lidhur me planifikimin e prokurimit dhe parashikimin e nevojave, mirëpo kriteret e parapara gjithnjë duhet ta garantojnë barazinë e OE të cilët parashihen si të tillë edhe me DT e cila në kuptim të nenit 27, lidhur me nenin 28, përbën dokumentin kyç të prokurimit publik. Prandaj në kuptim të nenit Neni 51 (Njoftimi i Kritereve të Përzgjedhjes) të LPP, sipas të cilit të gjithë kriteret e përzgjedhjes duhet të kufizohen vetëm në kriteret e nevojshme për të siguruar se vetëm operatorët ekonomik që posedojnë aftësitë e nevojshme profesionale, financiare dhe teknike për ti përmbushur kushtet e kontratës përkatëse do të konsiderohen të kualifikuar për të marrë një kontratë të tillë ose për marrjen e ftesës për tenderim. Dhe se, në asnjë rast, autoriteti kontraktues nuk duhet që të përfshijë, saktësojë ose përdorë kriteret e përzgjedhjes që bazohen në konsiderata të tjera përveç atyre të lejuara nga dispozitat e neneve 65-70 të këtij ligji. Andaj Paneli Shqyrtues i vë në dijeni AK se në çdo aktivitet duhet të veprohet kofom dispozitave dhe autorizimeve ligjore siç parashihen ato me nenet 1,6,7, 27,28,51,59,60, 69 të LPP.

Autoritetit kontraktues SHSKUK – “SHËRBIMI SPITALOR KLINIK UNIVERZITARE I KOSOVËS”, mund të vazhdojë më tutje me aktivitetin e prokurimit “Furnizim me material medicinal nga LE për nevojat e SHSKUK-së” me numër të prokurimit 00220-24-1597-1-1-1, përkitazi me këtë ankesë, nëse nuk ka ndonjë ankesë tjetër për këtë aktivitet të prokurimit.

Kryetarja e OSHP-së, duke u bazuar në atë që u tha si më lartë, vendosi si në dispozitiv të këtij vendimi.



Vjosa Gradinaj
Kryetare e OSHP-së

Këshillë juridike:

Kundër këtij vendimi nuk është e lejuar ankesa, por pala e pakënaqur me kërkesëpadi mund t'i drejtohet Gjykatës kompetente në afat prej 30 ditësh nga data e pranimi të këtij vendimi

Vendimi t'i dorëzohet:

- **AK - SHSKUK - SHËRBIMI SPITALOR KLINIK UNIVERZITARE I KOSOVËS**
- **OE - VECTOR CLEAN SH.P.K.**
- Arkivës së OSHP-së: